

# 卷一



書名 東盛和債案報告十六卷  
 撰者 清 營口銀行 輯  
 卷一  
 內容分類 史-政書-雜錄  
 索書號 大木-法類-獄訟-案牘-8  
 編號 B4014800

[彩色首頁1](#)  
[彩色首頁2](#)

東洋文化研究所漢籍目錄 編號: B4014800

東洋文化研究所漢籍目錄所藏漢籍善本文影像資料庫 索書號: 大木-法類-獄

訟-案牘-8

漢籍善本文影像資料庫文本 東盛和債案報告十六卷

版權所有: 東京大學 東洋文化研究所

使用上的注意事項

度支部加劄委辦救濟營口市面事宜劄文

度支部爲劄飭事北檔房案呈據總銀行正監督張允言呈稱營口東盛和等字號  
 倒閉市面震動准東三省總督電商撥款救濟商定由部行籌撥銀兩帶同總行事  
 務處委員候選道羅飴等前往察看情形救濟並擬派委員羅飴會同該分行總辦  
 辦理救濟一切事宜等因前來查救濟營口市面事關重要應由本部加劄派委該  
 道羅飴會同該分行總辦王伊妥爲辦理至東盛和倒閉虧欠該分行銀兩及放出  
 各款均應責成該行總辦王伊設法如數收回並令該員羅飴會同籌畫務期於本  
 行及營口市兩有裨益劄到即便遵照前往勿負委任切切特劄

右劄總行事務處委員候選道羅飴准此

光緒三十三年十月 日



--	--	--	--	--	--	--	--	--	--	--	--	--	--	--	--	--	--	--	--	--	--



度支部劄總銀行劄文

爲劄飭事承參廳案呈據總銀行呈稱營口分行總辦員外郎王伊現經本部電飭回部當差所遺營口分行總辦一差查有事務處委員分省候補道羅飴堪以暫行代理所有營行存放款項在在均關緊要務交代清楚逐項接管並詳細開具清冊由總銀行呈報本部存案劄到該道即便迅速前往勿負委任除劄行外相應劄行總銀行查照可也須至劄者

右劄總銀行准此

光緒三十四年正月十八日

Table with 12 empty vertical columns.



度支部劄委代理營行總辦劄文

度支部爲劄飭事丞參廳案呈據總銀行呈稱營口分行總辦員外郎王伊現經本部電飭回部當差所遺營口分行總辦一差查有事務處委員分省候補道羅飴堪以暫行代理所有營行存放款項在在均關緊要務須交代清楚逐項接管並詳細開具清冊由總銀行呈報本部存案劄到該道即便迅速前往毋負委任切切此劄  
右劄代理營口分行總辦羅飴准此

光緒三十四年正月十八日







度支部片

奏再據大清銀行監督呈稱去年四月間因廣東商務繁盛亟應添設分行請以廣東南韶連道樂平充廣州分行總辦由部奏派在案嗣樂平到京患病今尙未痊一時未能前往廣州地方緊要分行之設未便久懸查有代理張家口分行總辦知府用安徽候補直隸州知州王鑾堪以派充廣州分行總辦又代理營口分行總辦分省補用道羅飴接辦以來布置妥協請併予奏派又據呈稱奉部劄開奏准於大清銀行內附設儲蓄銀行其總辦卽由銀行執事人員酌派兼充茲查有總辦事務處委員分省補用直隸州知州錢宗瀚堪以兼充儲蓄銀行總辦各等語臣等伏查廣州設立分行前經奏明將廣東南韶連道樂平派充總辦在案今據該監督呈稱該道患病未痊請另派員辦理等因查王鑾代理張家口分行尙稱穩練堪以派充廣州分行總辦至補用道羅飴於去年冬間接辦營口分行經理數月尙屬周妥應卽派充分行總辦又大清銀行內附設之儲蓄銀行總辦應卽以錢宗瀚兼充謹附片具

陳伏乞

聖鑒謹

奏

Blank vertical columns for text.



戶部銀行廣告

敬啟者現在營口市面恐慌銀根緊急周轉不靈本銀行理宜維持凡各家如有實在產業貨物抵用現銀以及匯兌各款電匯或票匯均請向本銀行面議定當格外克己利息匯水從廉收取藉以維持市面特此廣告



大清總銀行監督張奉天度支司張津海關道蔡營口關道沈會議維持營口市面

辦法電

北京度支部堂憲農工商部堂憲天津督憲奉天督撫憲鈞鑒營口東盛和荒閉一案牽連甚衆全局幾危推其原因實由營市行用兌條現銀全空若在目前敷衍不爲切實維持即使追償欠款衆論翕然而養癰必潰壅泉必決營市終必敗壞不可收拾茲遵照憲諭維持市面整頓財政公同會議大概辦法條列於後

一擬營市放銀各家分爲新舊自十月初一日以後新帳統以現銀來往不准再有過碼名目存放起回一任各便以前者歸舊帳令欠銀家一律換給長期借據分期歸還以三月爲一期不到期強收者查罰到期歸現八期全數清結其欠主有款自願還者聽

一經商家有欲借公款須有現存貨物妥實產業作押由銀行平利出借現時賣買資本不足取具股實五家聯保亦准借款均在道署存案其以貨物押匯者各票



銀行准其通融酌辦

一華洋商人彼此以貨物押借亦須先行掛號立案否則概不作信以杜重押之弊  
一造幣廠奉天特撥銅元如小買賣家有欲借者照現銀之法辦理由官銀號製造  
錢票銅元一千應作大銀元若干凡官收之款准銀錢兼收以爲之倡庶可逐漸  
流通

以上四條不爲揚湯止沸之謀特爲釜底抽薪之法詢之商會稽之輿論及明於計  
學熟於商務皆樂贊成惟各西號急於得錢各爐房憚於改作容有借續多倒閉以  
相詰難者不知所議各條實於禁限之中默寓保全之道展期至兩年後不准銀主  
逼迫官又出帑項以濟其窮保護成全不爲不至若再報荒則其始終不堪扶植已  
可概見聽其倒閉亦無足惜似不能藉口今日辦法不善爲詞且市面不定銀根不  
實資本家必不肯輕移巨款來此危區必致市肆蕭條淵叢獲益他日縱撥款數千  
萬亦難補救正不僅西商收本西行爲可慮也望列憲核定後如以所議爲然卽一

意主持飛速電示以便遵辦次第實行大局幸甚至追償欠款須將簿據核實算明  
始能判定容俟續議再行電陳允言錫鑾紹基桐朔印



上農工商部度支部奉直督撫銀行監督電

北京農工商部度支部堂憲奉天督撫憲天津督憲戶部銀行監督鈞鑒營商東盛和案追欠還債辦法經於蒸電陳明在案旬日來各商因息借公款未能定議市面仍多震驚迭次傳集眾商婉切勸導指陳利害直至二十日始翕然聽從大概辦法擬將葉商財物產業外欠等項公估約值二百六十萬兩全行抵借公款二百萬以資接濟六釐起息以一年為期由戶行儘於期內將一切押件招商變賣如一時難盡出售或編彩票詳由省憲咨行各省各埠分銷人欠葉款官為嚴追並交戶行彙還公項如有不敷即由得款債戶每萬兩歲撥利銀四百兩分年補還以公款本利全清為止若所差尚巨則在本埠匯水借貸經紀等項內籌補其葉商押在道勝銀行之件即由直省協濟五十萬兩及奉天協濟銅元二十五萬兩取贖一同抵與戶行變價仍由戶行在變產撥利各項內歸還總以公款協濟款戶行欠款如數清楚始免拔利款未還足不得邀請豁免其戶部銀行欠款暫不與各債戶均攤俟由貨

產變價編售彩票內提還將來查有葉商私匿財產仍先攤還債款以昭商信現全埠商人暨各幫代表均已認可與戶行公立合同三份分別收執存案照此定議約計各欠戶所得之債已在五成以上全營商業可免傾危官款暫濟一時缺乏計期可以歸償無虞短欠一舉兩得商民市面利賴無窮轉瞬歲闌羣情望澤倘蒙核准電復並懇將撥款迅速分批運營涸鮒頓蘇大局自定職道等多方籌議筆禿唇焦衆論既已僉同辦理當有把握除分電暨將全案情形並合同抄存備案外謹先撮要電陳羅飴王伊沈桐謹稟馬印



東號葉亮卿抵借營行款項押券

立抵押借券人葉亮卿今將自置東生怡昌平德等房屋機器及碼頭房地股份票域多利輪船等抵押借到營口戶部銀行營平爐銀八十萬兩訂明每月息按每百兩一兩起息準於三箇月期本利清還如有拖欠任從戶部銀行將貨變賣抵償如有不足仍須向葉亮卿追補各無異言恐後無憑立此抵押借券為據

光緒三十三年九月初一日

立抵押借券人葉亮卿

營口東盛和號

計開

- 一昌平德油房機器房屋傢具 全副
- 一東生怡油房機器房屋傢具 全副
- 一東生怡連地棧房碼頭等 九十二畝
- 一怡興源油房地 十七畝

一東沒溝營樓房地皮 正金所租

十五畝

一廣東省城大涌口怡昌 貨倉碼頭

八十餘丈

一牛莊置業公司股份票

二十萬元

一域多利輪船

一艘

一營口自來水股票

二千九百股

一牛家屯歡心店地文契

一張

一恆豐磚窰連地

一百畝

一二官塘東沿地並樓房平房文契

一張

一二官塘南沿地並平房文契

一張

一老爺閣南街地文契

一張

一德芳紙煙局連機器貨物

全份

一大坎子草地

一段



一正隆股票

三十五張

一粵漢鐵路股票

一千股

一東盛和洋麵

五萬五千包

一怡豐木局房屋

一所

一怡豐木局內存之煤

二千噸

一鐵嶺東雙泰生意

五股

一昌平德油餅豆貨物

全股

一東盛和存豆餅飛

三萬片

一東生怡豆餅油貨物

全份

一廣東南海縣北村鄉住房等

三十餘所

一江蘇鐵路股票

三百股

計批以上產業等件除抵道勝外餘均抵戶部銀行



價銀墊款內扣還

三葉商變產所得價銀除還大清銀行並贖道勝押款外尚淨餘銀一百五十萬兩由關道海防廳商會秉公攤給各債戶

四大清銀行承買葉商各項財產將來招商變賣誠恐難敷墊本官商公議將奉省督撫憲協濟營市銅元二十五萬兩實售見寶銀二十萬零五千六百十四兩四錢六分存與銀行十年期滿無利交還以資貼補

五大清銀行承受葉商各項財產由大清銀行作主招商變賣以還墊款葉商及各債戶不得干預

六此次債案辦結之後葉亮卿倘有隱匿寄頓不論何時何地一經查明或告發所得財產仍歸各債戶公攤

七以上所立正合同書立三份一份交大清銀行一份存商會一份呈關道憲分府憲立案備查并詳請度支部堂憲農工商部堂憲直隸督憲奉天督撫憲奏明立

案

關道周長齡

海防廳朱蓮溪

大清銀行總辦羅 飴

營口商務總會總理潘達球 協理李恆春

西幫眾票號代表人馬 貞 武福桂 閻元熙

營口眾銀爐代表人王興詩 姜立堂 于元春

方東海

旅營三江眾商代表人梁錫三

雜貨行大屋代表人宋春芳 張嚴溪 丁仙芝

馮榮庭

營口眾油坊代表人李元良 陳承第 姜椿林



宣統元年正月 日

高廷松 呂銘俊

東號債案營商借款合同第一件

立合同字營口商會總理潘達球協理李恆春各幫代表人馬貞等今因葉亮卿在營口所開東盛和等五家聯號倒閉虧欠營市鉅款五百餘萬兩市面震動銀根緊急周轉不靈商等公同商允將東號所有已押未押各項財產貨物外欠等項逐項理明抵於戶部銀行名下抵借營平寶銀二百萬兩以資接濟長年六釐起息以一年為期自抵之後所有一切押件任憑戶部銀行儘期內招商變賣報告大眾並東號外欠各款請官嚴追亦交與戶部銀行彙還借款及戶部銀行欠款如有不足領銀各家情願每萬兩歲出利銀四百兩拔補還至公款本利全清為止所有東號押在道勝銀行之件即借直隸督憲恩准發給協濟銀五十萬兩奉天督撫憲恩准發給協濟銀二十五萬兩取贖一同抵與戶部銀行變價奉直兩省協款日後亦請戶部銀行在變賣產業催追外欠各家拔利項內撥還以上辦法除稟請關道憲沈分府憲馬立案詳請度支部堂憲農工商部堂憲直隸督憲奉天督撫憲奏明立案理





合訂立合同一式三份簽字蓋章一份交戶部銀行一份呈關道憲分府憲立案一份存商會備查所有詳細章程開載於後商等係爲維持營市保全商務起見衆議僉同各無反悔欲後有憑立此合同存照須至合同者

計開

- 一葉亮卿之財產約值現銀二百六十萬兩人欠葉亮卿之款及貨物在內
- 一公同認允向戶部銀行承借公款二百萬兩卽以葉之財產作抵以一年爲期長年六釐行息自領銀之日爲始
- 一道勝銀行葉商押產撥北洋及奉天協濟之款贖回一同交與戶部銀行作抵二百萬借款之數
- 一承借之公款二百萬兩全數勻攤各債戶洋商等行在內
- 一公借之二百萬兩內本應還戶部銀行欠款現商懇戶部銀行格外維持先儘各商家公攤戶部銀行欠款俟由貨產變價或開彩票後再行提還

一戶部銀行允借之二百萬內有銅元值銀十萬兩之數歸各商搭用

一贖回已抵押之產業及未抵押之產業貨物各項由大家秉公估計該價約值若干開單請關道憲移交戶部銀行照時值估價或招商承領變賣或編售彩票所得之款歸還公家及戶部銀行應得欠款

一人欠葉亮卿之款項由官嚴速追出並現存之貨物一律歸入公家還款數內如還款有餘仍由官攤還各債戶儻歸還公款如有不足則仍由曾經受攤之債戶擔任義務撥利歸還不得邀請豁免

一撥利之法凡得款一萬兩者每年須出銀四百兩歸還公款至還清公款本息爲止

一撥利款項如仍不足則由本埠匯水內及借貸內經紀用內籌補其餘一切貨物概不得絲毫抽捐妨害市面

一以上辦法均係公同商妥衆議僉同除稟請關道憲分府憲立案詳請度支部堂

憲農工商部堂憲直隸督憲奉天督撫憲奏明立案外理合訂立合同三份由各商簽字蓋章以一份交戶部銀行收執為據一份呈關道憲分府憲立案一份公存商會備查

一戶部銀行收到此項合同呈明度支部堂憲總銀行監督以批准之日為發款之期

續附三條

一葉商產業照時值估價招商承領隨時報告大眾如一時難於變售應援廣東等處成案將產業編作彩票開報由各省各埠分銷所得之數歸還公款惟此事須公請關道憲詳請各大憲主持

一開彩票之先如追出葉商隱匿財產應勻攤各債戶

一道勝贖款的數若干及銀行的數若干當宣布大眾周知以昭核實

營口商務總會總理潘達球 協理李恆春



坐辦闕世泰

西幫眾票號代表人馬 貞 武福桂 闕元熙

營口眾爐房代表人王興詩 姜立堂 于元春

方東海

旅營三江眾商代表人梁錫三

大雜貨行 代表人宋春芳 張嚴溪 丁仙芝

馮榮庭

營口眾油坊代表人李元良 陳承第 姜春林

高庭松 呂銘俊

戶部銀行 王羅

光緒三十三年十一月二十日





符由官從重議罰將該欠款充公  
 一人欠東號之款請官按戶傳案問明如有不能即繳者准其分期當堂具結存案  
 到期不交即行押追  
 一葉商所有各件未曾抵在戶行者請限期飭商會理明開單呈案請即移交戶行  
 不能久擱之貨物則先行變價  
 一銅元請出示曉諭市面一律通用



關道沈觀察籌議借款辦法 即營商第二次擬借公款要求各條

計開

- 一葉商道勝押產贖回由戶行墊款約七十萬兩俟將押據收回即交戶行收執作為此次墊款抵押之據
- 一葉商所有財產及人欠葉款照原估之價值銀二百六十萬兩現因抵去餅油飛子並付去福成匯票又拆出三井貨倉地皮已與原估之數不符茲約計減去二十萬即作為二百四十萬兩
- 一戶行押款約合銀四十餘萬現公懇減為三十萬兩借以補助眾商維持市面
- 一營商仍照原訂合同成議承借公款二百萬兩此款仍由戶部行擔任
- 一道勝押產贖款約需銀七十萬兩戶行押款約合銀三十萬兩承借公款實銀二百萬兩三項共合銀三百萬兩

一以上三款共合銀三百萬兩葉商財產及人欠葉款止合銀二百四十萬兩實虧

公款銀六十萬兩亟須設法彌補

一原訂合同內拔利抽匯水之法究嫌煩擾今擬在借款二百萬內扣存五十萬兩於戶部行先發一百五十萬兩實銀歸各債戶公攤下餘五十萬兩常年八釐起息滾存戶部行至本利合數足敷還債款及還借款之用即行一律歸還抑或生出之利分年抽還各債戶至還清債款為止

一此項借款及贖產之款由戶行擔任後凡葉商所有財產歸戶行承受變價人欠葉款歸戶行掃數追收無論贏虧與眾債戶均屬無涉

一此次訂立合同之後如再查出葉商隱匿財產仍歸眾債戶均攤

一現擬將人欠之款作為五十萬仍歸各債戶請官追償按戶均攤照舊發一百五十萬兩實銀以符原訂合同二百萬兩之數

一奉天銅元二十五萬兩現由戶行變出只得二十萬五千零應由戶行開單呈明督撫憲照變出之價核收至原訂十年歸還現議定如葉亮卿產業變出五六成

即由戶行撥還奉天以期迅速歸款

一葉產經理看守等費約合二萬元之譜應核實開列清單准其支銷歸債款公認

一人欠葉款原議提二十萬兩彌補戶行現議展期至臘月一卯俾爐銀化成現銀七十二元免戶行過受虧損

一北京運款火車等費應由債款內扣除再行勻攤

一戶部鑄龍元作七錢三價公議由戶行一律出入通用匯兌行使各聽其便以爲流通龍元及龍元紙幣張本應請戶行徑達度支部聲明火車稅款一律通行以上各款仍本從前草約議定詳細辦法請羅總辦核定




商會議覆關道沈借款辦法

計開

第一款道勝押款定局應續議速了債務足徵憲台極力維持市面之意

第二款戶行押款除收還外減成作為三十萬兩以盡維持地面之義尤足以折服中外

第三款葉商財產及人欠葉款原估值銀二百六十萬兩既因油餅飛福成還款數目不能照前人欠葉商之款只得四十餘萬故擬作為二百四十萬等云查桂陽輪船及哈爾濱房產及現項均係立合同後查出計約值銀亦在十餘萬金且人欠葉款如歸官嚴追亦不至短缺太多如此粗估原估二百六十萬兩無甚懸殊  
第四款葉商財產既歸戶行承受應由戶行將銀先行墊出自是實在情形了債務即所以通市面也

第五款道勝戶行及各債戶之款共在二百萬兩除二百四十萬尙短六十萬一節



查原估值二百六十萬兩既無懸殊似應仍按二百六十萬作價如此短銀只四十萬兩

第七款所短六十萬無從彌補擬先按一百四十萬攤給各債戶下短六十萬兩戶行出七年期票交各債戶收存俟戶行將六十萬兩及奉省銅元銀二十五萬兩逐年滾利七年期滿一并清還等云查原估財產仍作二百六十萬兩應發給各債戶一百六十萬所短祇四十萬況去年公立合同華洋各款粗計債項可分現銀五成之譜今以大衆債戶共在四百零五萬之譜現分尙不足四成其餘則須候至七年期收在戶部行維持市面凡在商人無不知之而我憲台經營此事始終煞費苦心商等焉敢格外奢望但立合同時開彩一節大家均甚期望今已知難而止因將合同內攤款抽款一律裁去以期簡當故此叩懇憲台大人大力主持將下短之四十萬兩逐年分還期愈近而愈妙實營口同體所叩祝者也  
再有請者上海之債二十餘萬實係廣德泰所短既非一號又非同東況廣德泰

逃避之後豈無舖底等項無非串莊所得而域多利輪船粗計值銀亦在數萬今含混由營分債似不合乎公理







一人欠葉亮卿之款項由官嚴速追出歸入還款數內

一前兩款如仍不足則由此次得款之家拔利補還

一拔利之法凡得款一萬者每年須出銀六百兩歸還公款至還清公款為止

一拔利款項如仍不足則由本埠匯水內及借貸內經紀用內籌補其餘一切貨物概不得絲毫抽捐妨害市面

一另有商會潘總理經手贖回地皮公司股票一千餘股每股一百元又官膏局股本一萬五千元商會原贖股本四萬六千餘元應扣回贖本四萬六千餘元

追債辦法

一請地方官從嚴比追葉亮卿有無隱匿財產務必澈底根究或並將其得力掌櫃人之產業分別追查均攤債主以為容心倒騙者戒右係辦法大略應如何詳細籌商以期官商兩便有利無害之處仍希鈞裁區區管見不足為輕重也

營口山西票幫擬借公款就地抽釐分年交還預算列表 此辦法未實行

計開

一進出口稅 常年約七十萬 加一成 計七萬兩

批此條雖政府亦辦不動

一布洋雜貨 常年約一千萬 加外用一分 計十萬兩

批加抽必掛洋旗或進大連灣矣

一南北城匯水 常年約三千兩 每千兩抽一兩 計三萬兩

批匯水加抽必全歸外國銀行矣

一河車載糧豆 常年約一百三十萬擔 賣買每擔各抽二分 計五萬二千兩

批鄉人恐要鬧事

一餅 無論現貨 常年約八百萬張 賣買每張各抽二分 計三萬二千兩

一油 無論現貨 常年約十萬張 賣買每張各抽五分 計一萬兩

批外國亦有油房豈能照抽

一凡免稅進口貨常年約二十萬件大件收一分  
中件收五分小件收二分

計一萬四千兩

批此條更做不到

一借貸常年約六百萬兩  
每年千兩抽六兩

計三萬六千兩

批如此必歸外國銀行

一房租常年約八十  
萬每抽五釐

計四萬兩

批營口房捐已極重何能再加

一銀行進出及卯色每定加一角約計

計一萬六千兩

以上十款共約計四十萬兩

附分年還款列表

收公款銀二百萬兩

第一年交還銀四十萬兩

收利息銀十萬兩長年五釐

除還結欠一百七十萬兩加利息八萬五千兩

第二年交還銀四十萬兩

除還結欠一百三十八萬五千兩加利息六萬九千二百五十兩

第三年交還銀四十萬兩

除還結欠一百零五萬四千二百五十兩加利息五萬二千七百十二兩五錢

第四年交還銀四十萬兩

除還結欠七十萬零六千九百六十二兩五錢加利息三萬五千三百四十八兩一錢

第五年交還銀四十萬兩

除還結欠三十四萬二千三百十兩零六錢

第六年一律清還

將各項抽釐截止

張監督批照此全是辦不動之事辦動則營口必毀辦不動則公款無着且倒帳



僅葉姓一家被倒亦不過數十家而令全市面代之還帳似尤無此情理

致關道沈觀察函

敬肅者敝行案查光緒三十三年十一月二十日營商所訂息借公款合同爲日已久營商尙未實行敝行預備現銀存庫約計已賠去利息不少日夜盼望葉商債案早了公款早發或可少賠利息今幸道勝贖產價值已經商會議定八十五萬羅卜債案將次理明誠爲大局慶幸惟內有極爲重大緊要問題四條開載於後懇請劄飭商會邀齊各幫代表從速議決逐條函復敝行俾有遵循不至茫無依據是爲至禱專肅奉懇敬請助安

計開

一合同第一條載葉亮卿之財產約值銀二百六十萬兩人欠葉亮卿之款及貨物均在內

按查此二百六十萬兩原爲作息借公款抵當現經各商公議已扣去餅油飛及匯票抵項約銀四十餘萬兩又葉商售與日商地基估銀二十萬兩計共應除去



銀六十餘萬兩除扣去外公款抵當已短銀六十餘萬兩核與合同原議不符應如何辦理須請商會及各代表酌議函復以便稟明度支部堂憲總銀行監督核奪示遵

一合同第三條載道勝押產撥北洋及奉天協濟之款贖回一同交與戶部銀行作抵二百萬借款之數

按查直隸總督允撥協濟款五十萬兩究竟有無發給似應先行請示直督如果不能發給則贖道勝押產除奉天官款外尚短銀四十五六萬兩核與合同原議不符應如何辦理亦應請商會及各代表酌議函復以便稟明度支部堂憲總銀行監督核奪

一光緒三十三年十一月二十一日續開請辦各條內第三條載洋商債款請令商會善為籌畫此事不卜已否計議倘有頭緒亦乞函示

一續開請辦各條內第六條載人欠東號之款請官按戶傳案問明如有不能即繳



者准其分期當堂具結存案到期不交即行押追等語現經商會查明人欠葉商之款有三百餘萬之多其中究有若干萬先還若干萬分期若干萬無着如已問明亦求分別函示以便稟復度支部堂憲總銀行監督



關道沈觀察來函

敬復者前奉貽函以東號債案問題四條相商具見籌畫周詳莫名欽佩經將原函送交商會集議並飭分條具復茲據列摺呈復前來除北洋協款一事應由敝處另行辦理外用抄清摺送請查閱核辦爲禱敬請籌安

附鈔商會議覆問題四條清摺一件

--	--	--	--	--	--	--	--	--	--	--	--	--	--	--	--	--	--	--	--



商會集議問題四條呈覆關道清摺

營口商務總會謹將奉發戶部銀行原函問題四條集衆籌議各條詳細繕摺呈請  
鑒核

計開

一查油餅飛暨福成匯票事辦法俱係邀同衆商暨戶部銀行總辦羅觀察暨朱廳  
尊議妥辦理

查油餅飛匯票兩項自以保全信用爲正辦惟既已扣去萬無反悔之理但二百  
六十萬內既扣去四十餘萬照合同原議不敷甚鉅究應作何辦理務乞在此條  
下註明辦法方好稟覆部堂 附批

一葉商賣與日商地基現三井貨倉係倒案以前所賣原未估在葉產之內葉商所  
報產業亦無此項地基

一北洋協款仍請憲臺酌奪請領以恤商艱

一洋商債款除道勝外惟正金銀行債款甚鉅現該行總辦不在營口應俟該總辦回營再請憲臺酌奪辦理

一人欠東號之款照帳切查本街及外城所欠東號款項約四十餘萬兩現正切實追償其未能追償之戶再爲請官訊追至謂人欠葉款三百餘萬查做會所查報數目原係二百萬除該號司理及夥友支使欠款應行追償外其餘多係東字號自相川還及外莊並裝船名頭統計在賠款之內不能如數作爲實在欠項

商會呈覆關道稟摺

敬稟者前奉憲臺以戶部行信三封發飭查照辦理卑會已照函錄存將原信呈繳在案昨經集衆查辦尙未就緒於本日復經邀集衆商暨戶部銀行到會逐細查辦理合將查辦情形詳細繕摺呈請憲臺查核轉達戶部銀行以憑核辦肅此敬請鈞安伏維垂鑒

計開

一查怡興源油坊租住葉商房院內有怡興源添修大樓照原費款項銀九千五百兩作價歸公債核攤此房產原立批據自光緒二十四年二月起租以二十年爲限每年租價營平銀三千八百兩其批據在怡興源收執前經卑會照抄稟呈在案並抄送戶部銀行查核

一查旗昌行所租住樓房係怡興源添修已滿十年期限其樓房照怡興源批據已歸業主管業





一查旗昌棧租住葉商碼頭貨倉原租限三年至光緒三十四年冬滿期交業並無  
轉轄

一查葉商租與正金銀行樓房地基每年租價營平銀四千八百兩葉商所欠正金  
之款未經以此房抵押惟租契現在何處及有無年限因該銀行總司理人杉原  
現未在營其副司理人未知詳細俟該總司理人杉原來營再為細查租契及有  
無年限

一查葉商租與正金房院北截有張建功原租與葉商房院一段東西寬六丈南北  
長二十餘丈每年租價營市錢四千吊自光緒二十七年租以十年為限當有  
押租營市錢一萬五千吊每年由租項扣錢一千吊限滿仍以餘欠找還前張建  
功具稟聲明卑會前經抄張建功原稟與怡興源批據一併稟呈在案並抄送戶  
部銀行查核

一查葉商青堆子油坊東頭三井所蓋倉庫地基石老契押與道勝而地基石已賣與日

本軍政署此項老契已無足據經眾債董暨西幫公議此項老契作為廢紙已經  
向眾聲明





--	--	--	--	--	--	--	--	--	--	--	--	--	--	--

營行致商務總會函

為開報東號欠款事

敬啟者敝行案查接管卷內東盛和該欠營行押款匯款結至二月初一日止共欠本息爐銀四十四萬一千一百七十八兩二錢三分規元銀七萬二千八百兩瀋平銀一萬兩

此一萬兩利息在外現屆貴商會彙報東號帳目之期理合分別鈔單繕具印函送呈台鑒即希貴商會查照彙報關道憲分府憲核奪可也專此布達敬頌台安

附呈清摺兩扣



葉商東號債務議定領債日期之議約

東號債案現經戶行與商會各商議定準於五月二十五日起將戶行一百五十萬兩現銀憑條按三聯票分日照領決無異言

右議約經沈周兩觀察戶行王協理朱司馬商會總協理並西幫三江幫及各行代表簽押實行



營口商務總會移文

爲移請事查東盛和等號倒騙鉅款所有該號等帳目經由敝會查核較對華洋各債戶急需領債以蘇困累所有估變償債辦法經與貴銀行訂有成議現衆債戶迫切領款擬於本年五月二十一日按各債戶數目核折給領擬合移請貴銀行查照議章備具現寶銀並大銀元一百五十萬兩交由敝會核折給領爲此合移貴銀行請煩查照速覆施行須至移者



沈周二觀察曉諭東號各債戶領款告示

爲示諭事照得東盛和債案款目既鉅頭緒紛繁迭經官商合力籌商事始大定現經戶部銀行於本月二十日與商會總協理暨各商代表當衆議定於五月二十五日起戶部銀行將借款現銀一百五十萬兩按照商會清單發給各債戶官商公同議定簽字畫押以昭大信爲此示諭各債戶屆期赴領從此各安商業努力經營實爲全營幸福特示





葉亮卿爲小坎子地上關道稟

具稟商人葉應增年籍在卷稟爲據實陳明懇恩照覆事竊商年前價買小坎子地段前因墾務局來文賣主姓名畝數多不相符業經面稟陳明昨蒙憲諭飭將該項地段文契繳呈以便移交商會查核辦理各情在案伏查該項地段共立文契四張已於去年押與戶部銀行所有文契亦同時交與戶部銀行存執應請商會轉向戶部銀行調查便能知悉至於該項地段內有旗地例不升科者有民地已經升科者有塘地卽現墾務局所要升科者惟是何者爲塘地必須原賣主方能明晰商已着原經手買地之人往約各原賣主到營理明此事大約一二日間可到理合一併具稟陳明


葉亮卿開呈節略第一件

竊職商於光緒十一年來營開設東盛和字號原本十二股計銀一萬八千兩後於二十五年結算帳目擴充生意加附本銀三萬二千兩歷年貿易皆以節謹自守不料本年十月初一日忽接上海連號廣德泰來電周轉不靈匯票不能應付職商立即急電往商實在無法是日在營方收匯申票十餘萬不敢發出分別退還迫得將生意停歇茲職商謹將歷年虧累實在情形存欠各家款項現存公私產業貨物銀兩數目並擬目下籌款辦法將來辦理油坊生意情形繕具節略呈請鑒核

計開

- 一 庚子買存鐵嶺通江豆子遇亂將豆賣銀約虧銀一十萬兩
- 一 庚子存營油豆遇亂急於運去申粵虧銀約二十萬兩
- 一 被日商福富洋行等倒去銀七萬兩
- 一 與上海廣德泰德盛公司合夥辦豆積欠約數十萬兩





一辦洋油麵粉煤鹽等貨共虧銀約二十萬兩

一被穗和泰等家拖欠虧銀九萬七千餘兩

一日俄戰役協生輪船轟沈損失貨銀七萬兩 以上各款均已或虧或欠不能收還

一二十九年多被俄國取去青泥窪存豆子等值羌帖十九萬七千餘兩 此款已向俄國

追收尚無歸着

一被道勝銀行買辦吳春田拖欠二十餘萬兩 此款已入存欠數目之內

一匯水虧銀一百餘萬兩

一利息虧銀四五十萬兩

一銀水虧銀十二萬餘兩

以上虧賠倒欠損失不下三百餘萬兩之多尚有處可問者僅三十餘萬兩而已至於匯水利息何以虧賠如是之鉅皆因辦貨疊次失利又遭意外損失倒欠積欠不下一百萬餘兩不得不出於按押借貸當庚子亂後各埠利息均昂現銀短



絀寶色日加此利息銀水所以虧至六七十萬兩也若川換往來又須匯票以為周轉庚子後匯水上落倏忽百兩或數十兩虧耗實有一百餘萬兩當初職商愚見意謂既有值二百萬之產業倘酌量變賣得價彌縫即可稍輕債累又有油坊兩家實業可靠則二十年來血汗經營事業尚希一綫之延詎料至今市面則江河日下職商亦賠累日深竟至一敗塗地嗚呼飲鳩止渴此職商之失計也然已噬臍莫及矣

一核算帳目欠外共計銀四百六十六萬兩內除東盛和東生長東和泰東生怡昌平德等聯號五家互欠七十五萬兩不計外實欠街上各號計銀三百九十一萬兩

一除東盛和等連號五家互欠七十五萬兩不計外街上各號實欠東盛和等連號五家計銀一百零七萬兩

一出入比較東盛和等連號五家淨欠街上各號計銀二百八十四萬兩 以上僅商會初

次草結之數仍未確

一各處項回東盛和等聯號五家發出匯票約計一百萬兩之譜 此數亦未確

以上存欠款目出入比較及項回匯票統計虧銀二百餘萬兩 總要算清帳目方有的數

一東生怡油坊地連棧房碼頭九十二畝 每畝七千元 值銀六十九萬兩

一廣東省城大涌口怡昌貨倉二十間連地又碼頭 八十餘丈 值銀三十萬兩

一怡興源油坊地十七畝值銀一十五萬兩 每年地租三千八百兩

一正金所租樓房地十五畝值銀十萬兩 每年屋租四千八百兩又五千四百元

一怡豐木局地連房屋值銀四萬兩

一二官塘東沿地契一張連 樓房四十五間平房五十五間 值銀二萬九千兩

一二官塘南沿地契一張平房一百六十五間值銀二萬四千兩

一恆豐磚窰地一百畝值銀一萬八千兩

一老爺閣南街地契一張值銀一萬七千五百兩



一牛家屯歡心店地契一張值銀一萬兩

一小坎子草地一段值銀三千元

一牛莊置業公司股票一張二十萬元值銀十四萬兩

一營口自來水股票二千九百股 每股十二元五角計三萬六千二百五十元 值銀二萬五千二百七十五兩

兩

一正隆股票七千元值銀四千九百兩

一粵漢鐵路股票一千股 交小股一千元 值銀七百兩

以上職商名下共值銀一百五十五萬二千四百七十五兩

一東生怡油坊機器房屋全副值銀二十六萬兩

一昌平德油坊機器房屋全副值銀二十二萬兩

一域多利輪船一隻值銀七萬兩

一德芳紙煙局機器貨物值銀四萬二千兩

- 一 鐵嶺東雙泰股分五股值銀二萬兩
- 一 以上東生怡昌平德東盛和名下共值銀六十一萬二千兩
- 一 五家共存現銀九萬餘兩
- 一 東盛和存豆餅飛三萬片值銀三萬三千兩
- 一 又存油飛六百簍值銀一萬七千兩 以上均提存商會
- 一 又存麵粉五萬七千三百七十九包值銀九萬五千兩
- 一 又存怡豐木局煤二千屯值銀一萬四千兩 以上押戶部銀行
- 一 又存本號什貨約值銀二萬兩
- 一 又存客號怡昌泰福成兩家貨物共值銀約九萬兩
- 一 東生怡存餅油豆貨物值銀三萬兩
- 一 昌平德存餅油豆貨物值銀一萬五千兩 以上均已封存
- 一 存桂陽船油豆值銀十二萬餘兩



- 一 福成號除貨抵款外欠銀九萬餘兩 已電港匯款十萬兩
- 一 怡昌泰欠銀七萬兩 已電港匯款但東盛和欠港榮新行款未知多少
- 一 以上共計值銀六十八萬四千餘兩
- 一 東盛和等五家帳簿均繳存商會無從核算現擬請將五家帳目限日清理結實究竟存欠若干如各債主之連號與五家互有存欠不准私自利者暗中扣抵否則清出款項愈少攤還成數愈低且無從扣抵之家不免有偏枯不均之患應將凡欠五家之款先行清還存儲以便裁判官長酌還公私款項
- 一 擬將所存現貨變賣得價並現存銀兩一併聽候裁判官長酌還公私款項
- 一 擬懇商各債戶折減成數先將所有現款儘數攤還餘欠之款分期止息懇留給油房兩所即指盈餘之款歸還
- 一 擬將與道勝銀行商量將所押產業設法贖出從容變賣免致暗虧所得價值即以攤還各債戶 現正籌商未悉能辦到否

以上所擬目下籌款攤還辦法也

一擬將各家生意概行收歇只懇留東生怡昌平德機器油坊兩所怡昌貨倉一間俾得重理生業

一打油打餅機器煤炭及工食什費等用每年約需銀五萬餘兩

一元豆八斗可打豆餅五片豆油二十一斤照現在豆價每石八兩五錢餅價每片一兩二錢二分油價每百斤八兩八錢計需豆本六兩八錢得油餅價八兩除去各種費用四錢比較盈餘八錢矣每豆并五片為一垛此即照一垛計算

一每年可打垛十五六萬個每垛平均可餘七錢共餘十一萬餘兩每一所計若兩所同計可二十三萬兩每年只打八個月

一每年粵中約消豆油五六萬擔裝散艙比裝篋每百斤省費六錢共計可餘三四萬兩賺價不計

一每年房地各租約收銀二萬餘兩

以上每年約有三十萬兩此將來油房辦法確有把握者也

所有節陳賠累原由虧折數目存欠款項現存銀兩產業貨物價值數目各情形仰祈洞鑒至所擬目下籌款攤還及將來油坊各辦法是否有當伏乞恩裁謹略





可惡又將大利拱手讓人職商憤不能平當與日官駁論然日官猶責令每年於秋季繳銀一千兩始免將落地稅抽收去年將近交回地面時日官尙向山貨棧索去一千兩也

一營埠安設自來水光緒二十五年已有人議辦適因庚子之亂營埠疊被俄日占踞遂致中止迨中日條約既定職商即倡議營商自辦以保利源不料日人早着先鞭於未交還地面之前訂議合辦只預留華股四千股職商駁以全埠洋人不及華人百分之一今僅得區區四千股華人有用水之義務不能獲水之利益此事最爲不平又議總局設在東京職商駁以產業營業均在本埠總局應設在營駁詰再三卒如所議東京另設分局而華股亦占至一萬二千股其後初次會議日股東竟不預先函商迨定期在東京分局開會始知照派人赴東代議華董如潘玉田李序園均已簽名職商因分局無議事之權無論議案如何非經在營決定決不允認日股東迫得將議案移營決定當日表同情者只華董股東陳雁初

一人而已

一大連自入日人掌握慘淡經營本埠商務已爲所奪欲圖挽救只有興築冷家窩鋪河填蓄水歸遼以濟河運辦法大約需款六萬元職商極力提倡奈商會集議數次均以籌款爲難於事毫不著力概推歸職商擔任夫此事費鉅工艱爲首者既不慨助鉅資衆情必難踴躍亦非職商獨力能支舌敝唇焦終無頭緒今者職商已矣繼起何人恐終資此恨以歿而已

一裕盛長掌櫃王蔭堂被人在軍署指控供給俄軍糧食傳遞軍情經日軍捕拏定欲照軍律處置職商當邀傳各商會議營救因云裕盛長係有名字號王蔭堂亦體面商人兔死狐悲物傷其類今日能殺一王蔭堂則類於王蔭堂者莫不旦夕可危務望協力援拯無如均皆畏禍退縮不前職商迫得獨力向日官陳說略謂該商向來安分必無此等情事可保無他解說再三始允保釋雖受刑責幸尙存性命也



營口一隅之地變亂相尋日處於驚濤駭浪之中自保不暇職商殫竭心力不避危疑保守利權維持公益數年來所辦各事於地方公私不無小補耳

一豆油二項粵中歲消約六七百萬斤職商廣東怡昌貨倉即為裝散船豆油而設油質固清裝卸亦便且成本較輕裝散船比裝袋者每百斤可省費六錢因此職商實獨擅粵省豆油之利即因此招同行之妒現在日人在大連營口已開設機器油坊數家東永茂

西義順與三井洋行於大連亦夥開三泰機器油坊一所東永茂總號廣茂泰故以三泰命名計三井占一半東永茂占一半所以必欲將職商傾倒庶可乘機攫取怡昌貨倉積慮處心已非一日矣

同行如敵國俗諺已然況有嗾使之者獨惜戈操同室將授人以隙耳

一本月初一日職商忽接上海來電將匯票項回知大局已隳勢難挽救因顧念部款重要將產業抵押戶部銀行不料遂櫻衆怒不知無論押與不押部款斷不能

短少絲毫各債戶多明事理之人何至竟難相諒

一職商各號往來數目有欠東永茂銀兩初一晚潘玉田到談欲將東盛和所存外



棧豆餅豆油計值銀五萬兩已存商會先抵欠東永茂之款職商答以現經閉歇虧負纍纍且戶

部銀行公款虧欠尤鉅貨產已經抵押應屬歸公非職商一人所能私有倘私相授受萬一破露固集矢職商一身於足下身名不無關礙彼再三要索職商不敢

應承遂怫然不歡而去此職商所以開罪商會原由而後此風潮遂環生疊起矣

一職商聯號五家帳目早呈商會至今歷擱不算前呈節略已揭其隱私現在職商究竟實存實欠若干尚無的數各商號所欠職商之款據商會云有一百零七萬

兩亦置之不問概不追收以備攤還債戶不知是何居心至謂職商於數日前收取現銀羌帖等計有百萬之多然據各商指明不過十萬上下其餘八九十萬究

係何號何人交付各商均未能指明此則各商偏逞私心挾嫌誣指者也

一竊念職商負累係因兵燹之時力圖保護地方所以虧賠如是之鉅且私心各逞將帳目歷擱不清不特各債戶款項了無還期職商更禍無了日敢將下忱剖瀝電稟上陳但各商加意防閑不容片紙出入十一日託人間關至錦州遲發至今

未回不知得邀列憲鈞鑒否似此摧折橫加覆盆之冤真是慘無天日也

以上所陳各節委係實在情形不敢有片語虛浮自重咎戾至職商起家原委亦自有因當東清鐵道路線初定逆知地價必昂於是購地數百畝是時地價每畝不過二三十兩隨後地價漸漲即就所得地價陸續添購即碼頭棧房等亦均從地價得來此職商起家原委也至香港上海近十餘年來地價昂貴已極租息不過六七釐若鄉間田畝均計僅租息四釐而已港滬之地本重利輕不如營口之地本輕利重此職商所以除怡昌貨倉碼頭而外別無產業該西幫分號徧設各省耳目極週不難一查而知也平時職商一絲一毫積蓄盡在營口產業之中並無現款況事起倉猝的無寄頓窩藏但事已如斯此心難邀衆諒惟有仰懇仁明洞鑒俯察微忱實係生意虧賠委非有心倒騙先准將存欠數目清理將所欠職商款項分別酌追並將現存貨物銀兩以備商還公私債項其餘不敷之款亦請酌立止息期單倘荷格外矜全給還機器油坊兩所俾得重理舊業即指餘利分年帶還在各債戶款項既有

歸著職商亦不至失業流離事既兩全更不至牽連市面嗚呼職商一朝不謹貽累多人自疚愆尤至重且大但撫躬循省可信無他或者邀恩得蒙垂諒用敢將兩次兵燹辦理地面各事並所以開罪各商原由及各商偏逞私心挾嫌誣指各情形謹再披瀝節陳伏乞鈞鑒再職商所設東生怡昌平德機器油坊兩所德芳紙煙局一所統計所用樞夥機匠火工人等不下千人而每日散僱扛抬駁運各工尙難縷計大約依以謀食者至少亦數百人一旦失所憑依其困苦顛連不堪名狀倘得重理舊業即此千餘人亦可免於飢寒合併陳明統祈垂憫謹畧





葉亮卿呈道廳稟

具稟商人葉應增年籍在卷稟爲據實剖陳懇恩明察事竊商昨蒙提訊詢問西幫銀爐八月十三日所稟各節當經逐節供明仰荷仁明洞鑒惟是委曲下情尙未盡達不敢不披瀝剖陳上邀憲聽者原稟云查葉商及其各號司事歷年由號支用數萬或數十萬不等一節商號帳內有掌櫃張明善長支數萬兩經官將產業查封現在押掌櫃遲克仁長支一萬餘兩亦已將自置營口哈爾濱兩處房屋備抵至商名下及恆豐怡豐兩戶比對均有餘存帳目俱全可請覆按又云歷年進財總帳均盈餘其爲生意獲利可知一節生意盈虧本無一定有盈於此而虧於彼者有去年盈而今年虧者固不能執一以概其餘況其所指者係商號每年代客裝船買貨賣貨所得佣錢年終找結除去花消略餘多少而已至匯水利息內外各莊辦運各貨之盈虧未流計在內並非全盆結算之盈餘也若意外之損失荒欠者如青泥窪荳子十八萬元協生輪船轟沉七萬兩大東溝木料二萬餘兩東和泰在火車站遺失羌



帖三萬元日商福富蒲生兩洋行欠七萬兩道勝買辦吳春田欠二十萬兩茂興買辦盧蘭湘欠九萬兩東豐太虧欠十七萬就以上所開已將及九十萬兩其所指之盈餘能敵此虧損否乎況加以生意之賠累乎又云該號去歲一年之間未聞何項生理虧賠鉅款一節商號虧賠禍原庚子拳亂是年共虧五六十萬兩就油豆兩項居其半資本一空遂多通負於是藉匯票之轉移作挖肉補瘡之計尙冀機緣或湊反敗爲功不料又遇甲辰日俄之戰先後數年兩遭兵燹斯時之寶息卯利日益加昂而匯水爐銀漲落靡定而商號亦虧累日深一日迨上海頂回匯票之電來周轉不靈遂難支柱固非一年之虧累者也又云其近年屢賣地皮與俄日官商數逾百萬稽其帳目並無此項收入之款一節商自置產以來並未將地皮賣與俄國官商只有日人開築牛家屯馬路由日軍政署購買共得地價十餘萬元已用以買置二官塘及老爺閣等處之房地及怡昌貨倉油櫃碼頭各物產商從前置產之資皆商名下所自有未用櫃款分文所以收入者亦不歸入櫃帳也至曾否賣地與俄國官



商及賣與日本官商地畝多少有俄日兩國領事卷案可查又云該號九月間裝出船隻而論共計九艘有海關進出口冊可查一節商號是月計代廣幫福成號報裝九月初三日盧州一隻十二日南昌一隻十八日士丹達一隻二十四日布路加士一隻共四艘又代廣幫怡泰昌泰報裝九月初九日鎮江一隻二十一日萊路士的一隻共兩艘均往香港廣東又代日商增田洋行報裝九月初四日福陽丸一隻往日本四日市同日代日商小寺洋行報裝生田丸一隻往橫濱其餘一艘即九月二十八日桂陽一隻商曾供請電粵扣留而現與榮新行涉訟者蓋客幫裝船通例向係行家出名報關伊等不察遂指爲商號所自裝也又云銀數已有百餘萬兩之鉅此項鉅款上海匯票亦未回復營口一節商號只裝得九月二十八日桂陽輪船一艘該貨款現在香港涉訟未了已經商會及戶部銀行先後派人追收其餘八艘係代客號報裝商號只取佣錢而已該貨款各號已經先後匯還有帳也又云榮興行亦其資本所開又和泰泰和兩號即與東盛和是一是二各節香港只有榮新行並

無榮興行字號而榮新行只有商號資本二千元經商會查明在案至和泰泰和係商號前後裝船名目其置本即東盛和所出曾經稟明有案又云該兩號欠款一百七十餘萬兩有帳可憑有出無回尤爲隱匿確據一節商號向來裝船往香港廣東發賣油豆即將賣得貨款由香港匯交上海廣德泰代收而商號在營口發出之匯票到上海廣德泰即由香港匯存上海貨款項下支付是和泰泰和兩號之款已由營口匯票去上海收回概收入申號帳內現在帳內有申號名頭存款數百萬卽有和泰泰和之匯項在內也又云該號自置輪船域多利於倒閉之際未遑裝稱起碇而逃一節域多利輪船於去年九月二十六日抵營卽與漁業公司往復州裝鹽來營此船遇風延期曾經漁業公司呈控有案可查隨後該輪船返營卸鹽後由道勝銀行管業駛往上海因該輪船於光緒三十年押與該行之故至於輪船出口無論有稱無載均須結關方能啓行如果起碇而逃不必各債戶扣留卽海關已先扣留議罰甚或將船充公矣又云初一日該號收入之銀洋羌帖甚夥一節商號初一日



午間一切照常交易適是日係匯票期亦照常收票不料忽接上海頂回匯票之電湊手不及倏然倒閉在商人亦不及料但當日所有收付各款均係帳目往來互相過碼並無分文現款到手況簿內來源去路帳目分明不難查閱也又云並其家屬亦先期逃往外洋一節商人眷屬在營者一弟一妻一妾四子二女弟名呂琴因商號事一併在押妻妾子女均住號內倒閉後裕盛長掌櫃王仁堂會親至商人寓內又沈前道憲曾派楊委員仕東及商會債務董事李漢生到商人寓內點查衣物均目見商人妻妾子女咸在實無逃往外洋懷挾重資之事又云荒倒之後盡無餘存一節商號閉關卽將五號現存銀元票帖油餅飛子等繳交商會收存共計銀約二十萬兩尙有豆麪糖煤什貨等項亦數十萬兩又各號之外欠亦數十萬兩安得謂盡無餘存又云試問未經荒閉之先如此闊大局面以何力周轉之伊無點金之術徒手支應憂憂乎難一節商場營業資本大都有限全恃周轉靈通商號今日所負各債卽平日所藉以周轉者如有點金術又何至負累鉅債而倒閉乎又云僅以房

地等萬難寄頓萬難隱匿之不動產與人而厚資在擁仍不失爲素封一節商人一生積蓄盡在此一百餘萬兩產業及股票之內廣東原籍房產已經粵督憲及廣州商會查封此外委無財產況商平日絕少現款儲藏每有餘財即以置產所以產業而外更無餘資何所隱匿家人且爲餓殍遑論素封耶總之原稟指陳各節盡屬虛浮若非疑慮所生即係謠言所誤至於商號虧賠數目及商遭兩次兵燹數年來苦心支拄至萬不得已而倒閉各原由曾於去年十月初五日瀝稟訴陳在案然商更有說者如果商有預留傾騙地步必將舊置產業早爲設法乃商除賣與日軍政署開闢牛家屯馬路之地外其餘不特毫無更變且於一二年內陸續添購蓋造不少則非預留傾騙地步可知如果商厚資坐擁不失素封則商將盡室偕行別謀樂土乃商竟兄弟相將俯首入獄甘受無辭又非預留傾騙地步可知至以東盛和股東而論共計十二股商只占一股半按股勻攤商應攤出者不過數十萬兩現計商名下除帳內比對餘存外如怡豐木局恆豐磚窰兩處生意原藉本埠地皮碼頭貨棧



房屋股票等總值一百七八十萬兩照應攤之數核計已逾一倍之多商人到案卽和盤托出又非立心傾騙者之所爲也至於隱匿一層尤有事勢之所難者東盛和股東除商一股半外尚有十股半之股東若商平日營私舞弊獨飽私囊各股東豈能緘默其難一張明善以股東爲大掌櫃總司號事長住號內又豈任商吞蝕巨款乎其難二五號生意各有正副司事二三人管內櫃者又各數人其餘櫃夥亦各數十人凡有款項出入必經內櫃經手能瞞各號正副司事及管內櫃者乎其難三且各號櫃夥皆山東奉天直隸之人向歸各號正副司事錄用亦皆本街商鋪之親友推薦而來如有私弊衆口難防各櫃夥又豈肯甘受扶同隱匿之罪而負其親友推薦之德乎其難四至債主中外南北亦皆有人耳目衆多豈能盡掩其難五債主切膚之痛定必暗訪明查且沈前道憲曾出有告示賞格事已經年如有隱匿能不敗露其難六似此情形不但商可自白無隱匿之私亦可爲中外衆債主所共信而不俟商之剖辯也悠悠之口毀譽何憑曾參殺人雖其母亦多疑慮所以積毀竟能銷


骨而衆口可以燦金也商自維咎戾不敢乞恩惟耿耿愚衷委無隱匿用敢據實剖陳伏乞曲予垂察使商不致終負此惡名而歿則感戴深恩之高厚矣沾仁上稟

營口中外紳商具保葉亮卿公呈

具公呈營口中外紳商等呈爲債案將完謹代陳素行環叩乞恩准予取保事竊東盛和股東葉商亮卿因去年十月初一日東盛和倒閉至被拘押疊經辦理情形早荷仁明洞鑒伏查葉商來營合股開設東盛和字號葉商平日宅心尙稱公正辦事亦屬和平頗爲本街所信用營口自庚子以後變亂相尋葉商隨同現商務總會潘總理李協理等當時辦理地方各事如維持商務因應外交消奸人仇陷之謀防匪徒搶劫之患雖郊外烽煙遍野而埠內七箸無驚此固總協理之功葉商亦不無微勞足錄然葉商因是迭遭兵燹賠累日深無可彌縫竟至一蹶不振自倒閉之後卽將私家物產和盤托出按葉商於東盛和股本十二股中僅占一股半其所獻出償債之產業約及一百四五十萬兩以之抵償其應虧之份可以有餘則其居心尙堪曲恕現在債案已將完結紳商等素悉葉商平日所爲辦理地方各事一切均皆妥洽尙屬有功無過至於此次倒閉一案亦出於葉商意料之外迫不得已而然情尙



可原用敢合詞代陳素行並籲懇恩施逾格准紳商等將葉亮卿及伊弟侶琴夥伴呂東山三人取保出外如蒙堂訊仍隨時到案不敢稍延致干咎戾倘蒙俞允紳商等再繕保狀呈案伏乞恩准施行



營口中外紳商具保葉亮卿保狀  
具保狀人營口中外紳商等今於

與保狀事在

大人臺前保得東盛和股東葉亮卿其弟葉侶琴夥伴呂東山遲克仁遲永清五人  
在外堂訊不誤所具保狀是實須至保狀者

東盛和債案報告

東盛和債案報告卷一終



